

საქართველო


სურათებიანი ლაგაბები
გაზეთის № 7
ლაგაბები № 21101033

პირა, 10 იანვარი, 1916 წ.

ქართველი მაჰმადიანები



ჩვენს ქვეყანაში...



ნახატი ეხნერიასა

უნდა ვიხილო!

ჯერ არ დასცხრება ჩემი გული მოუსვენარი,
უნდა ვიხილო ჩემი ტურფა, ჩემი ზენარი!
მოდი, მიშველეთ! რა გულხელი დაგიკრეფიათ?
ვარდნი რას არგებს, სულ ამაოდ დაგიკრეფიათ!
არც ცრემლი კმარა, თუ ოდესმე დაგიფრქვევიათ.
მოდი, მიშველეთ! ბრძოლის ღმერთი კარზე გწვევიათ!

მის მტერს ვერ ჰხედავთ, აღუმართავს ჩემზე მახვილი,
ჰსურს დამამუნჯოს! არ ისმოდეს ჩემი ძახილი!
დამამზოს მუხლზე, მაწყველინოს გაჩენის ბედი;
მომახრევენიოს თვის წინაშე ამაყი ქედი.
ჩემს სამლოცველოს ის შეეხოს და დაამციროს;
ჩემი ერთგული შეურაცხყოს, შემდეგ გასწიროს!
თვით ჩემი ჩანგიც დამიმსხვრიოს, გამინადგუროს,
შავი სიკვდილის მწუხარება დამისადგუროს!

დაე დაგუბდეს მწარე ბოღმა—მისარგებია!
ტანჯვისგან გული არაოდეს ამკვნესებია.
ეს ჩვენი დროშა სასტიკ გრიგალს შესთვისებია!
მოდი, მიშველეთ! რა გულხელი დაგიკრეფიათ!
სისხლით ზიარნო! მყუდროება არა გჩვევიათ!
ცრემლი არ კმარა, თუ ოდესმე დაგიფრქვევიათ!
დოეს ნუ დასცხრება თქვენი გული მოუსვენარი
უნდა ვიხილოთ ჩვენი ტურფა, ჩვენი ზენარი!

სანდრო შანშიაშვილი.

თ უ უ ო!

(უცები)

მომილოცნია ახალი წელი!
ჯანდაბას ძველი! ჯანდაბას ძველი!
სისხლით რომ ირწყვის სხვის მთა და ველი
უცხოს ქვეშ არის უცები გრდემლი—
და აქ ჩვენს მშობლებს ჩამოსდით ცრემლი,
უდრევი გული მაინც არ სტყდება:
რაღაცას ველი! რაღაცას ველი!

**

ამბობენ: კაცი ფხიზელი
რად, რისთვის უნდა თვრებოდეს?
სახლში ცოლშვილი ულუკმო
სიმშობლით რაზე კვდებოდეს?
მე კი ჩემ თავად რას ვიტყვი?
გინდ ზეცა რისხვით სკდებოდეს,—
ოღონდ კი ცრემლი ობოლი
გულს ნათლად დამეცემოდეს!

შიო მღვიმელი.



სახე ქართველ ძალიან.



დანგრეული კერა.

გალტასარის ნალიში

I

მეჯლისი გაეთავებინათ. მეფე ბალტასარი ნეტარების რულს მისცემოდა. ვნება დამკვდარს ტუჩებზე ღიმილი დასთამაშებდა, ზმანებაშიც თავის საყვარელ მხევალს ელისარას ეალერსებოდა, რომელიც მთვრალური სიგიჟის შემდეგ აგერ მის ფერხთან დაჩოქილიყო და მზრუნველობით ჩაჰყურებდა თავის მეუფეს, რათა ყოველი მისი სურვილი დაუყოვნებლივ ამოეკითხნა.

— იძინე ტკბილად, — ჩურჩულებდა იგი, — მე ხომ შენი მხევალი ვარ, ჩემო მეუფე!

დარბაზში სურნელი დაეკმიათ. თითქოს განგებ ვნების კოკორთა გასაფურჩქნად შშის უკანასკნელი სხივები ებრძოდა დარბაზის იდუმალებას და ბალტასარის თვალებს ნარნარი კოცნა-ალერსით შესთინათინებდა.

მონა და მხევალნი გაფაციცებით ჰკრებდნენ ჰურტულს და ფორთოხლის ნაფტქვევებს. ფრთოსან სულელებსავით უხმაურად დაჰკროდნენ, თითქოს დღემიწაზე ფეხს არ აკარებენო. დარაჯნი ყოველ კუთხეში ბრინჯაოს ქანდაკსავით გაქვევებულნიყვნენ. მარტო ერთ ცეცხლის მფრქვეველი თვალების ელვარებაზე შეატყობდა ადამიანი, რომ ესენი სულიერ არსებობას წარმოადგენდნენ.

— ჰა, რაო? უეცრივ შეშინებულსავით წამოიძახა ბალტასარმა და ღვთაებრივ გადაშლილ შუბლზე რაღაც უცნაურმა მკუმუნვარების ქარმა დაჰბერა.

— რას მიბრძანებ, ძეო ბაალისავ, — შერხევისთანვე შეეკითხა ელისარ და თან მუხლებზე მოეხვია.

— ელისარ, შენა?

— მე გახლავარ, მბრძანებელო.

— ჰო, შენ ხარ... სიზმრები მაშფოთებს, ელისარ, სიზმრები... ჰრაქი მონათეთ... რას დაგინებლებიათ? ან მუტრიბნი რატომ დასდუმდნენ?

— ჰრაქი, ჰრაქი...

სწრაფად მოედო ეს ხმა დარბაზის დერეფნებში. შემოანთეს. დარბაზის სურნელოვანება ბოლის სიმწვავემ შეახელა.

— ჰო, რას ვამბობდი?..

— სიზმრებიო, შენ სიტყვი, ხელმწიფე...

— ჰო, ჰო, სიზმრები... თუმცა არ მახსოვს, რა ვნახე, მაგრამ ვიცი, რომ ყოველთვის შემზარავია იგი. წარმოდგინე, ელისარ, როდესაც შენ სიზმარში გეხვევი, ალერსით მსურს ვარდად გაგფურჩქნო, აგაყვავო, უეცრივ რაღაც გამომიქროლებს, ასე მგონია, გველნი მკბენენ, ზვავი მიტანს, ერთი სიტყვით, ათასი რამ უბედურება მატყდება თავზე.

— ეს სულ იმ სულელი მოგვის ბრა-

ლია. მაგრამ რაოდენადმე შენც გიდეგს წილი ამ დანაშაულებში, ჩემო ხელმწიფე, ადგები და ასჯერ და ათასჯერ ამეორებინებ სულელურს სიზმრებს, რაც ოდესღაც ვისღაც სადღაც უნახია. დაეხსენ და მოისვენებ...

— ჰო, ეს კარგი გამახსენე... სად არის მოგვი?

— ჩემო ხელმწიფე...

— უაიბრი!

შესძახა ბალტასარმა და ტაში შემოჰკრა. უზარმაზარი ცოცხალი ქანდაკი მხოლოდ ეხლა შეინძრა კართან.

— წადი, დეიოკესს დამიძახე.

დარაჯი გაჰკრა და ორიოდ წუთს უკან შემოიყვანა ხელთა გამოკდილებით დაზიდული ბრძენი მოგვიდეიოკეს, რომელიც აზრდილის სიწყნარით მოუახლოვდა და თავყვანი სცა მეფეს. ბალტასარ წამოიწია.

— განიმეორე, რა ნახა სიზმრად მამაჩემმა?

— ღმერთები მწყალობდნენ... საშინელი რამ: ქანდაკი საიდუმლო, რომლის თავი წმინდა ოქროსი იყო, ხელი და მკერდი ვერცხისა, მუცელი და თეძო ძვალისა, ხოლო ფერხნი კი თიხისა. ამ დროს მწვერვალიდან დაგორდა ლოდი, ქანდაკს დაეჯახა და...

— და... მტკრად აქცი, ხომ?

— დახე, ხელმწიფე!

ბალტასარმა ხარხარი მორთო.

— ნუ იცინი, მეუფეთა-მეუფე, სიზმარი ახსნილია. ცული რამ მელის...

— „ცული რამ გელის!“ ცეცხლი და ღველფი მაგ ენას! წაათრით, ვიდრე მოთმინების ფიალას არ გადმოუხეთქია, თორემ, ვფიცავ ხმალს, ისე გაგაქრობ ამ ჩერჩეტსა, როგორც ქარბუქი ვერხვის ფოთოლს!

დეიოკესს კრძალვით წავიდა. ვალტასარმა გული მოიტა.

— სულელი, როგორ ყოველისფერი სჯერა. ავიწყდება, რომ სიზმრის ამხსნელი ებრაელი იყო, მონა და რაც სთქვა, მშულვარებით წარმოთქმული სიცრუე იყო და მეტი არაფერი. თუ მართალია მისი წინასწარი თქმულება, რად არ დგება ბაბილონის აღსასრულის დღე? თუ მართლა ჩემი სამეფო თიხის საფუძველზეა აგებული, რად არ ინგრევა აქნობამდე? სადაა ის შემარყვეველი ლოდი, რომელიც რისხვით ემუქრება ჩემს სამეფოსა? არა, ბაბილონი ოქროს სამეფოა! ფუძე მისი მტკიცეა, ვით კლდე. ყოველისფერს ისევ ძლიერი კვერთხის ბეჭედი აზის. განა ისევ მდიდრები არავართ? განა ტურფა მხევალნი შემოგაკლდნენ? განა ჩვენი სასახლე კვლავ მტკიცე ციხე-გალავანით არ არის შემოფარგლული? ან იქნებ დაკიდულმა წალკოტებმა იცვალეს ფერი? ან და შესაძლებელია წელში გატეხილი და სარტყელში მოხენქილი სირია-ფინიკია

ლელო...

იგი მომწყურდა.. და დიდი ხნობით შევლადებდი დაბნელებულ ცას, დიდხანს ვეძებდი უხილავ სახეს, დიდხანს ვეძებდი სახეს ღმერთისას.. მაგრამ ვინ ჰნახა, მაგრამ ვინ უწყის სიცოცხლე ჩვენი და დასასრული? ბევრი გვინახავს კუბოს მდებარე, ბევრი გვინახავს მიწად შთასრული! საით მიდიან? — არას ამბობენ.. თვით არ იციან რისთვის კვდებიან — გულით ცივნი და უსიცოცხლონი მიმქრალ თვალებით გვეთხოვებიან...

და რაც ძიებამ ვერ მომანიჭა ის შენში ვპოვე ო, ლელი, ლელი: სახე წარმტაცი ყვავილოვანი, სახე ძვირფასი და მომხიბვლელი..

მე შენს თვალებში ამოვიკითხე, რად მოვევლინე მიწას ვნებული, როგორც დემონმა გიპოვე ლელი! ხილულ ღვთაებად მოვლინებულნი...

გ. ლეონიძე.

მოდი ახლო!..

ვიშ, რა გშვენის ტუჩზე ხალო, თმა გიშერი მხრებსა ჰფარავს; სიო სარტყელს გიფრიალებს სიო ქურდი კოცნას გპარავს.

შენ კი, ტურფავ, ისევ დარდობ? კიდევ ცრემლს ღვრი, კიდევ ნაღვლობ?..

თუ ასეა, მოდი ახლო! მინდა ტრფობა განვაახლო მოდი ახლო...
ახლო მანათლავ სიუცხ მანათლავ ახლო...
ახლო...
ქნარი.

ნოეგბერი

გაყვითლებილა. შეხმობია ფოთოლი ქანდარს, მელამურები ევლებიან თავზე ძველ საყდარს. მიმფრინავ წეროთ სევდის მღერა ატირებს მდელოს და შემოდგომა თეთრ ზამთრისას სევამს სადღევრძელოს. გაღმა ქარიშხალს თავის თავიც არ ეცოდება, ველურ სიმღერის ველურ ცეცხლში იწვის, ცოფდება. მწუჭრის ჟამისას შეეპარა სულს კაეშანი, მწუჭრის საღამოს ეფარება ნისლის საბანი. გამოილოცა უკვე მამამ... შაბათი არი და თეთრ წვერებზე, თითქო მოსჩანს ლოცვა დამდნარი. დაბნელდა, თვალი გარეშემო ვერაფერს ხედავს კუდიანივით ქარიშხალი მიდამოს სწეწავს. ქარვის ტალახში ეფლობიან მძიმედ ფხეები, ყვითელ ფოთლებში მე ვიხიობი და ვიმარხები!..

ტ. ტაბიძე.



8. საბაბში. (ნახატი ვ. ს. — ერისთავისა).



ციხის დამცველი.

გასწორდა და ახლა ურჩობას გვიწევს? ყველა გაურბის მაიჩემის მიერ ნაანდერძვე შიშველ მახელს და მის მოწულ მკვეთრ შვილდ-ისარს. ჩერჩეტს კი სჯერა. ცრუ წინასწარმეტყველის სიტყვა. დაე, გაიგონ, რომ ბალტასარ თვით ღმერთებს უფლობს! მომართვით იერუსალიმის ტაძარიდან ნადავლი ოქრო-ვერცხლის ჭურჭელი: მე და ჩემს მშვენიერს ელისარს გვსურს ამ ჭურჭლით ვიგემოთ მათობელი ნექტარის სიტკბოება.

მსახურნი დაფაცურდნენ. შინ და გარედ ხმაურობა შეიქმნა:

— იერუსალიმის ტაძრის ჭურჭელი... იძახდა ერთი.

— ნულარ აყოვნებთ, რას უღვებართ?

ხმაურობდა ბოხის ხმით დარაჯთა უფროსი უაიბრი. ბალტასარიც მიეცა თავდავიწყებას. დააიწყდა შემაშფოთებელი სიზმრები. ეხლა მხოლოდ ელისარის გიზრის ნაწნავებს ეალერსებოდა. თვითვე აღტაცებაში მოდიოდა ამ მშვენიერ თაიგულის სურნელოვანებით, მის მომხიბვლელ სანახაობით:

— ქანანის ქალწულთა მშვენიერება ისე შევიმონსია, ელისარ, როგორც ისტარს განთიადის სხივონსობა!

ზხარობდა და ნეტარებდა, რომ კეკლუცი მისი მხევალი ასჯერ და ათასჯერ გაკეკლუცდა მის მიერ მიძღვნილი ოქროს სამაჯურ-სამკლავეებით, ალმასისა და იაგუნდის ყელსაბამით, რომლის თვალთა ელვარება ელისარის ვნებით მღელვარე გულს ტოკვაზე თითქოს სცეკვავდა, მკრთოლვარე სხივით თინათინებდა.

— ელისარ, ელისარ, — განაგრძო გაბრუებულმა ბალტასარმა, — ჭეშმარიტად, ღირსი ხარ, რომ ღმერთებმა შენს წინაშე ქედი დაჰხარონ!

თრთოლვით ჩააცქერდა მგზნებარე თვალეში. მხევალი მიეშვა მის მკლავებზე; ნეტარების ყრუანტელმა დაუარა, მთვრალურ ბურუსში გახვეულმა ის და მოახერხა, რომ თავს ძალა დაატანა, უხმოდ ასწია და უსაზღვრო ბედნიერების ღმირით ოდნავ გაპობილი მარჯანის ტუჩები განამზადა მის ტუჩების შესახვედრად.

II

მეჯლისი განახლდა. მხიარულებს ცისარტყელა შეველო დარბაზს. მაშ-

ხალებს მოუმატეს. მხილოავი ალი ცეცხლის ენას ასახავებდა და სპილენძის ჭურჭლეულს ათასფერად აელვარებდა. მონა-მსანურნი და მხეველები ერთმანეთში ირფოდნენ, რიგს ჭურჭლეული მოჰქონდა, რიგს ღვინო, თაფლი, სურნელი დასაკმევად, ომხივარ ანადენი მთელ-მთელი ბატკანი თუ ხილეულით სავსე ხონჩები.

„მეფე და ელისარ, როგორც მეჯლისის დამამშვენებელი ორი გვირგვინი, ყოველს ყურადღებას იპყრობდნენ. მხართეძოზე წამოწოლილიყვნენ. თავთან ორი ქალი დეველი მხევალი დაეყენებინათ ფარშავანგის ფრთის მარარაოთი და ასე შეექცეოდნენ. კარისკაცნი და სტუმარნი მეფისანი მის მზგავსად წამოწოლილიყვნენ. შემწვარის ნაჭრებს ხარბადა სჭამდნენ. ყურს უგდებდნენ მეფის ტრაბახს, თუ მას და მის წინაპართ რა გაეკეთებინათ შთამომავლობისთვის.

— ასე, ჩემო არწივნო, ვეფხვნო და ლომნო, — სთქვა ბოლოს ბალტასარმა, — იმხიარულეთ თქვენს მეფესთან ერთად! ეს ქამრები, წელს რო გარტყიათ, მოსისხლე მტერთა ტყავი არის; თქვენი საცვეთნი თუ ჭიხვინა მერნების თექალთო, მათ ცოლ-შვილის ტყავიდგან არის გამოჭრილი, თვით თქვენი ბედაურნი მტერს გამოგტაცეთ ხენა-თესვის დროს, მე და ჩემს სახელოვან წინაპართ მთელი ქვეყნები გაგვინადგურებია, რათა თქვენთვის კარგა ჩაგვეცვა, დაგვეხურნა და გაგვეძღეთ. იმხიარულეთ, მეგობრებო: მსახურნი უნდა ღირსნი იყვნენ თავიანთი მეფისა!

— მართალია, მართალია, — ქეფით ტაშს უკრავდნენ მოქეიფენი და ველურ ხმებით გაჰკიოდნენ უცნაურს სიმღერებს.

როცა საჭმელ-სასმელით იჯერეს გული, მეფემ ისურვა მეჯლისის თაიგულს ელისარს ეჩვენებინა სტუმრებისთვის თვის ხელოვნება. წამოიშალნენ. სიმხიარულე გაასკეცდა. ჩამოჰკრეს წინწილს. ელისარ გამოჰკრთა. დარბაზი გაინაბა. ჰაეროვანი, ღმირის ალტაცებით შემეკულმა თითქმის ნახევრად შიშველმა ელისარმა ყვავილა გველსავით ისე იწყო ნარნარი რხევა, როგორც ყურის ჰიბილოებზე მის საყურეთა ელვარება.

— სიონის ფიალა, სიონის ფიალა!

შესძახა ვნება აფეთილმა ბალტასარმა, როდესაც ელისარმა ცეკვა გაათავა და გველსავით ყელზე შემოექნა.

— სიონის ოქროს ფიალა! განიმეორა ზალტისარმა.

საუცხოვო ოქროს ფიალა მისთავაზეს. ბალტასარმა ნექტარი ჯერ ელისარს მოასმევინა, შემდეგ თვითონვე გამოსცალა.

— რიგი ჩემზეა, დაჰკათ კიდეც, — ბრძანა ხელახლად. ხელში ელისარ აიტაცა, დარბაზის შუა გამოვიდა და ტორტმნით დაიწყო ცეკვა.

ბალტასარს პირველი წრეც კი არ შემოეველო, რო წაბარბაცდა, ელისარ ხელიდან გაუფარდა. უცნაურმა თრთოლვამ მოიცილა. სახე შეშლილი მიაშტერდა სასახლის კედელს.

— მოგვს დაუძებეთ... მეფე ცუდად გახდა...

დაიძახა უაიბრიმ:

— შეაჩერეთ, მუსიკა ნუ უკრავს... ზარი დიეცა ელისარსაც. უღონოდ მოჰხვეოდა ბალტასარს და უაზროდ მზირალ თვალეში ჩაცქეროდა საიდუმლოს გამოსაცნობად:

— ჩემო მეუფეე...!

— ელისარ, ხომ შენცა ჰხედავ... როდის როდის ხმა ამოიღო ბალტასარმა, მაგრამ კედლისთვის თვალი არ მოუშორებია.

— რასა ხელმწიფეე?

— აი, იმას... უცნაურ ხელს... კედელზე რო რალასაც სწერს...

— ელისარ გავრა. ენა ჩაუფარდა.

— დეიოკეს, დეიოკეს...

დაიკვილა ბალტასარმა. ბრძენს კვლავ მოუხმეს. ბალტასარ მის წინაშე დაემხო:

— გამიმკლავნე საიდუმლო, რას ნიშნავს ესა?

ბრძენი დააცქერდა ნაწერს. უსიტყვოდ მხრები აიწია.

— რაო, ვერ ახსნი? გატეხილ ხმით შეჰნიშნა ბალტასარმა.

— ვერა...

— ოჰ!

სასოწარკვეთილებით თავში ხელი შემოიკრა.

— რა ექნა, რა ვუყო? უხმეთ ქალდეველ მოგვებს, უხმეთ სადაც ხმა მიგიწვდებათ, გამაგებინონ საიდუმლო.

— მეფეე, ნუ შფოთავ. ქალდეველნი მოგვნი ჩემებრ უძღურნი არიან.

უმჯობესი იქნება მრუხმით იმავე წინასწარმეტყველს, ვინც მაშაშენს ნაბუქოდონო — სორს აუხსნა ის საზარელი სიზმარი.

— მერე ვინაა ის კაცი?

— კიდეც კითხულობ? შენი და საზოგადოდ ჩვენი კარგი ნაცნობი: დანიელ, წინასწარმეტყველი ურიათა.

ბალტასარს სახე შეეშალა.

— დანიელი?

— დიახ, დანიელი, წინასწარმეტყველა ურიათა, — განუმეორა ხაზგასმით დეიოკესმა და მორჩილად გავიდა კარში.

დარბაზი ღუმილმა მოიცილა. მხოლოდ ელისარმა ამოიღო ხმა, ჯერ ნაზად მიუალერსა ბალტასარს, შემდეგ მოეხვია და ნაზი ჩურჩულით ჩაჰსისინა:

— მომეყ, მეფეო, ხომ შენი ვარ, რის გეშინან?

ტახტრევანზე წამოაწვინა. მისი თავი მუხლზე მიისვენა, თმაზე ხელი გადაუსვა და შემდეგ იმავე ჩურჩულით გაამხნევა:

— სიცოცხლობდეს მეფე უკუნითი უკუნისამდე! შესახედაობა მისი ნურც შეიცვალოს ნურასოდეს! წერილის საიდუმლოებას ფარდა აეხსნება...

შემდეგ ლართა უფროსს მიუბრუნდა...

— უაიბრ, მეფეს დანიელის ნახვა ჰსურს, უხმე მოვიდეს.

უაიბრი გაჰქრა. ნელ ნელ დარბაზმა იწყო დაცარილება. ყველაფერი მოჰხსნეს, აალაგეს. დადაჯები კვლავ ქანდაკად გაქვავდნენ ირგვლივ.

(დასასრული იქნება)

დ. კახიანიძე.

მეუამსი დედოფალი

ოსმალურიდან გადმოკეთებული ზღაპარი*.

გაიძვერა მეზობელმა რამდენიმე ცრუ მოწამე იშოვა და თექანამასთან წავიდა. ნაცნობებმა ერთმანეთი თავაზიანად მოიკითხეს. თექანამა დიდი მადლობა გადაუხადა თავის მეგობარს, რადგან მისი ქალის ცუდი ყოფა-ქცევა არ დამალა და თავს სირცხვილი ააცილა.

ტყეში უშემწეოდ დარჩენილი საბრალო ქალი უნუგეზოდ ტიროდა.

* იხ. „საქარ.“ — დამატება. № 10.

თითონაც არ იცოდა საით წასულიყო. როცა მოშივდებოდა, ხის ნაყოფით და მცენარეების ძირით იკვებებოდა. ტანისამოსი მთლად შემოიხეხა.

ისე გაიარა ქალმა ექვსი თვის სავალი გზა, რომ გზაზე ერთი ადამიანის შვილიც არ შეხვედრია.

ერთ დღეს ბინდისას ჩვეულებრივ, ხეზე ავიდა ღამის გასათევად. ამ ხის ძირში ანკარა წყარო გამოიჩინებოდა. როცა კარგად დალამდა ქალმა მთვარის სინათლეზე დაინახა შორიდან მომავალი სამი ცხენოსანი. ერთი ახალგაზრდა ვაჟი ამ ჯგუფს გამოეყო და იმ ხესთან მივიდა, რომელზედაც ქალი იჯდა. ფიცხლავ ჩამოხტა ცხენიდან და წყალს დაეწაფა. მთვარის შუქზე ყწალში ადამიანის აჩრდილი დაინახა, აიხედა მალა და ხეზე შეამჩნია ადამიანი.

— ვინა ხარო? ჰკითხა ყმაწვილმა. ქალს დიდი ხანი ადამიანისთვის ხმა არ გაეცა. ბოლოს აკანკალებულის ხმით უპასუხა:

— ადამიანიშვილი ვარო!
— ჩამოდი ძირს, მითხარი, ამ უღალბურ ტყეში რა გინდაო?
ქალმა გონება მოიკრიბა, ძირს ჩასვლა დააპირა და თან ფიქრობდა: „აღბად ღმერთს მოვავინდებო და ეს ყმაწვილი გამოგზავნა ჩემს მხსნელადო.“

ნათქვამია: „კაცი კაცის მიზეზია, წაწყვედა შიაც, ცხონება შიაცაო.“

როცა ქალი ხიდან ჩამოვიდა, ვაჟი მიუახლოვდა და ჰკითხა:

— ვინა ხარ? ან აქ რად მოსულხარო?

— ბატონო ჩემო! ყველას დაწვრილებით გიამბობთ, მხოლოდ აქ ადგილი ნებას არ მაძლევსო, უპასუხა ქალმა.

ვაჟი დათანხმდა, ქალი აღარ შეაწყუხა, თანამხლებელთაგან ერთს უბრ-

ძანა თავისი ცხენი დაეთმო ქალისათვის.

ეს ვაჟი იყო სურჰან ქალაქის ფელდექ ხელმწიფის შვილი, რომელსაც ურთავანმუში ერქვა სახელად.

ასვეს, აქამეს ამ ქალს, ცეცხლი დაუნთეს, გაათბეს და ერთი თბილი ქურქიც წამოასხეს; ცოტა ხნის ნადირობის შემდეგ ქალი შესვეს ცხენზე და გაუდგინენ თავიანთ ქალაქის გზას, რომელიც ერთი საათის მანძილზე იყო ხსენებულ ხიდან. მხედარნი შევიდნენ ქალაქში, ქალაქი დიდი იყო და ფრიად შემეკობილი, მცხოვრებნი მორთულნი და ზრდილობიანი, შენობები დიდრონი, მაგარი ციხეები ჰქონდა, ქუჩები განიერი, აღებ-მიცემობა გაჩაღებული იყო. თვით მეფე გონიერი, გულკეთილი და ხალხის შემბრალბელი იყო.

ხელმწიფის შვილმა მეორე დღეს ეს ქალი თავიანთ მოახლებებს გააყოლა აბანოში და უბრძანა: კარგად ებანებინათ და ძვირფასი ტანისამოსი ჩაეცმიათ, შემდეგ ამისა დედოფალთან წაყვანათ, რომ მისთვის ეამბნა თავისი თავ-გადასავალი. ბრძანება მსწრაფლად შეასრულეს. შემდეგ ქალმა დაწვრილებით უამბო თავის ამბავი დედოფალსა. დედოფალი გაჰკვირდი: ქალს ნუგეში სცა და უთხრა, ნუ გეშინიან: „გაჭირვების შედეგი, იცოდე, ღმერთიაო“.

განვლო ექვსმა თვემ და მოკვდა ფელდექ ხელმწიფე. იმის მაგიერ ტახტზე ავიდა მისი შვილი ურჰან თამუში. ახალი მეფე ჯერ დაქორწინებული არ იყო. დედოფალს ძლიერ შეჰყვარებოდა ნაპოვნი ქალი, ამიტომ თავის შვილს შერთო ცოლად.

ახალგაზრდა დედოფალი კეთილმსახურებაში და ტკბილ ცხოვრებაში ატარებდა დროსა და ღმერთს მადლობასა სწირავდა, რომ მან იხსნა ის

ყველა გაჭირვებისაგან. და ამითანა კეთილ და ძვირფას პატრონების ღირსი გახდა. არ ამპარტავნობდა და მუდამ იგონებდა იმ ანდახას: „ამპარტავნის მტერი თითონ ღმერთიაო“.

ექვსი წელი ასრე ღვთის სახებაში და სიხარულში გაატარა. ეყოლა ორი ღამაში და მალხაზი ვაჟიშვილი. ერთს ღამეს ახალგაზრდა დედოფალმა ნახა სიხარულში თვისი მამა. იჯდა და გულამოსკვნითა სტიროდა, ქალმა ჰკითხა: — მამავ, რათა სტირი? მითხარ რა გაჭირვება გაქმსო?

— როგორ არ ვიტყვი! ამ წუთისოფელში ერთი ასული გყავდა და იმანაც სახელი გაიტება. ეხლა მანუგეშებელი აღარავინა მყავს; დღე და ღამ ასრე ვსტირი და ვვლოვობ. ნეტავი ვიცოდე მინც სად არის ჩემი ქალი, მკვდარია თუ ცოცხალი? მაგრამ რაღა მეთქმის მე საწყალსა, ნათქვამია: „ცხარე ძმარი თავის ქურტყელს გახეთქსო“.

როცა დედოფალმა სიხარულში მამისაგან ეს სიტყვები მოისმინა, უნებლიედ ხმა მალა ქვითინი დაიწყო, ამ ქვითინზე მეფეს გამოეღვიპა და ძილ-

ში ტირილის მიზეზი ჰკითხეს დედოფალი ფალსა:

— სიხარულში მცემდნენო და იმისა ტომაც ვსტიროდიო.

თუმცა ქმარს დაუმალა სიხარულში მამის ნახვა, მაგრამ გულში ნალვლობდა და ჩუმ-ჩუმად ტიროდა მამის მოგონებით. ბოლოს ისე შეიცვალა, რომ ხელმწიფემაც კი შეამჩნია და უთხრა:

— საყვარელო დედოფალო! რაღაცა დარდი გაქვს და მე კი მიმალავრაშია საქმე, მითხარ და ყველაფერს შეგისრულებო.

ბოლოს დედოფალმა უთხრა სიხარულში ნახული.

მაშ რადგან აგრე მოგსურვებია მამა და იმისათვისა ნალვლობ აქ მოვაცვანინებო, დაჰპირდა მეფე.


— არაო, უპასუხა დედოფალმა, — იმის აქ მოსვლას, სჯობს მე წავიდე მის სანახავად და მისგან მშობლიური კურთხევა მივიღოო.

მეფე დასთანხმდა. იმან ჩააბარა დედოფალი თავის ერთგულ ვეზირს, თან გააყოლა მოახლებები, დიდძალი ჯარი და გაისტუმრა. დედოფალმა თანვე წაიყვანა ორივე ვაჟიშვილი.

ალ. იაკ. ახალციხელი.
(შემდეგი იქნება)



შეთანხმებულნი: | სფინქსი თუ აღდგა, ჩვენ მოგვემხრობა!
მოკავშირენი: | უთუოდ მათი დიდი აქვს მტრობა!



„ყველაზედ უწინარეს ჩვენ დავეციოთ სულით, ჩვენში შესუსტდა შემოქმედების ძალა, მოწყდა ენერჯია, შემოკლდა ფარგალი ჩვენის მოქმედებისა, დამახინჯდა ჩვენი ზნეობრივი შეხედულობა. ჩვენი უდიდესი უძლურობა — ეს სულიერი დასნეულებაა, ეს უძლურებაა, რომელიც ფართო დაღად ამჩნევია ყოველს ჩვენს საქმეს და სიტყვას.“

„სახალხო ფურცელი“.